

九天应元雷声普化天尊
玉枢宝经



九天应元雷声普化天尊



发炉赞

炉烟起篆，道气腾祥，诚心一柱喷天香，
缭绕透穹苍，周遍十方，诸神现金光，
太上玉华散景香云浮盖天尊。

祝香神咒

道由心学，心假香传，香^{ruò}玉炉，心存帝前。
真灵下盼，仙^{pèi}旆临轩，臣今关告，迳达九天。

净口神咒

丹朱口神，吐秽除氛，舌神正伦，通命养神。
罗千齿神，却邪卫真，喉神^{bēn}虎贲，炁神引津。
心神丹元，令我通真，思神炼液，道炁常存。

淨心神咒

太上台星，应变无停，驱邪缚^{m è i}魅，保命护身。

智慧明淨，心神安宁，三魂永久，魄无丧倾。

淨身神咒

灵宝天尊，安慰身形，弟子魂魄，五脏玄冥。

青龙白虎，队仗纷纭，朱雀玄武，侍卫我真。

安土地神咒

元始安镇，普告万灵，岳^{dú}渎^{zh ī}真官，土地祇灵。

左社右^{j ì}稷，不得妄惊，回向正道，内外澄清。

各安方位，备守坛庭，太上有命，搜捕邪精。

护法神王，保卫诵经，皈依大道，元亨利贞。

大圣元始安镇天尊。

淨天地神咒

天地自然，秽炁分散，洞中玄虚，晃朗太元，
八方威神，使我自然，灵宝符命，普告九天，
^{g ā n}乾罗答那，洞罡太玄，斩妖缚邪，度人万千，
中山神咒，元始玉文，持诵一遍，却病延年，
按行五岳，八海知闻，魔王束首，侍卫我轩，
凶秽消散，道炁常存。 皈命常清常静天尊，
摄魔摒秽大天尊。

金光神咒

天地玄宗，万炁本根，广修亿劫，証吾神通。
三界内外，惟道独尊，体有金光，覆映吾身。
视之不见，听之不闻，包罗天地，养育群生。

受持万遍，身有光明，三界侍卫，五帝司迎。
万神朝礼，役使雷霆，鬼妖丧胆，精怪忘形。
内有霹雳，雷神隐名，洞慧交彻，五炁腾腾。
金光速现，覆护真人，急急如玉皇光降律令
敕。

玄蕴咒

云篆太虚，浩劫之初，乍遇乍迹，或沉或浮。
五方徘徊，一丈之余，天真皇人，按笔乃书。
以演洞章，次书灵符，元始下降，真文诞敷。
昭昭其有，冥冥其无，沉疴能自痊，尘劳溺
可扶，幽冥将有赖，由是升仙都，太上老君急
急如律令。

开经宝偈

贞明大圣，十方化形，运心三界统雷霆，
誓愿拯生灵，宣说宝经，万类悉提醒，皈命雷
声普化大天尊。

启请

神霄雷祖帝，九天普化尊，谈道跌九凤，
持法骑麒麟，统摄圣狱将，掌令判雷霆，三
辛逢初六，察人善恶情，消灾并度厄，称名
诵宝经。

雷尊宝诰^{gào}

高上神霄玉清真王，南极长生朱陵上帝，
太阳九龙皇君，南昌受炼真人，玄都九嶷^{yí}九
夷沧水使者，九天采访使，应元保运神化昭
顺真君，^{xu}歛火大元帅，律令大神，炎帝天君，
元始祖劫，一气分真，太乙雷声普化天尊。

九天应元雷声普化天尊说玉枢宝经

尔时，九天应元雷声普化天尊在玉清天中，与十方诸天帝君，会于玉虚九光之殿，郁萧弥罗之馆紫极曲密之房。阅太幽碧瑶之笈，考洞微明晨之书；交头接耳，细议^{chóng}重玄，诸多陪臣，左右^{cù jí}蹴踏。

天尊宴坐朗诵洞章，诸天帝君长吟步虚。彩女仙^{shū}姝散花旋绕，复相引领，游戏翠宫。群仙导前，先节^{yuè}后钺，龙旂^{qí}鸾辂^{lù}，飘^{yaó}飘太空，并集于玉梵七宝层台。

时有雷师^{hào}皓翁，于仙众中越班而出，面天尊前，^{fú xīn}頫頫作礼，勃变长跪。

上稟天尊言：天尊大慈，天尊大圣，为群生父，为万灵师。今者诸天咸此良覲^{dí}，适见天尊阅宝笈，考琼书于中秘蹟^{zé}，不可缕计。唯有玉霄一府，所统三十六天，内院中司、东西华台、玄馆妙阁、四府六院及诸有司，各分曹局，所以总司五雷，天临三界者也。天尊至皇，心亲庶政^{shù}，此等小兆，以何因缘得以趋服，愿告欲闻。

天尊言：雷师皓翁^{hào}，尔等仙卿，储勋夙世^{chǔ xūn sù}，累行昨生，故得玉府登庸，琼宫简录。今兹勋行^{xūn}，视夙昨多^{sù}，尔其悉力雷司委心火部。日复日，岁复岁，勋崇行著，性

jì
霁神融，克証高真，即阶妙道。惟是雷部鬼神，昼劳夕役，动有捶楚。大则考戮^{lù}，屑云雕雪，无有已时。檄^{xí}龙命鴉，此息彼作，彼所因故，尔其耳焉。

雷师皓翁及诸天诸仙，耸耳而默。

天尊所坐九凤丹霞之宸^{yǐ}，手举金光明之如意，琅风清微，绮云郁丽，天尊寂然良久。

天尊言：“吾(敬读天尊)昔于千五百劫以先，心逢此道，遂位上真，意酿此功，遂权大化。尝于大罗元始天尊前，以清淨心发广大愿。愿于未来世，一切众生天龙鬼神，一

称吾名，悉使超^{hu à n} 涣。如所否者，吾当以身身之。尔等洗心，为尔宣说。”

天尊言：“尔诸天人，欲闻至道。至道深^{y ǎ o} 窅，不在其他。尔既欲闻，无闻者是，无闻有见，即是真道，闻见亦泯，惟尔而已。尔尚非有，何况于道，不闻而闻，何道可谈？”

天尊言：“道者，以诚而入，以默而守，以柔而用。用诚似愚，用默似^{n è} 讷，用柔似拙。夫如是，则可与忘形，可与忘我，可与忘忘。入道者知止，守道者知谨，用道者知微。能知微则慧光生，能知谨则圣智全，能知止则

泰定安；泰定安则圣智全，圣智全则慧光生，慧光生则与道为一，是名真忘。惟其忘而不忘，忘无可忘，无可忘者，即是至道。道在天地，天地不知，有情无情，惟一无二。”

天尊言：吾(敬读天尊)今于世，何以利生？为诸天^{bǐ jī}人演此妙宝。得悟之者，俾^{bǐ jī}跻仙^{zuò}阼；学道之士，信有气数。夫风土不同，则稟受自异，故谓之气；智愚不同，则清浊自异，故谓之数。数系乎命，气系乎天。气数^{yòu}所囿，天命^{gù}所梏，不得真道。愚可以智，浊可以清，惟命^{bǐ}俾之。愚昏昏，浊冥冥，亦风

土稟受之移之。天地神其机，使人不知，则曰自然。使知其不知，则亦曰自然。自然之妙，虽妙于知，而所以妙，则自乎不知。然于道，则未始有以，愚之浊之，诸天浊之。”诸天闻已，四众咸悦。

天尊言：“吾(敬读天尊)今所说，即是玉枢宝经。若未来世有诸众生，得闻吾名，但冥心默想，作是念言，九天应元雷声普化天尊。或一声，或五七声，或千百声，吾即化形十方，运心三界，使称名者，咸得如意。十方三界，诸天诸地，日月星辰，山河草木，飞走蠢动，若有知若无知，天龙鬼神，闻诸

众生一称吾名，如有不顺者，^{gu ó}馘^{k ū}首刳心，化为微尘。”

天尊言：“吾(敬读天尊)是九天贞明大圣，每月初六及旬中辛日，监观万天，浮游三界。若或有人欲学道，欲希仙，欲^{hu à n}遁九玄，欲释三灾，当命正一道士，或自同亲友于楼观、于家庭、于里社，醺(jiào)水馈花，课诵此经。或一过，三五过，乃至数十百过，即得神清气爽，心广体胖。凡所希求，悉应其感。”

天尊言：“身中九灵，何不召之？一曰天生，二曰无英，三曰玄珠，四曰正中，五曰

ji é
子丹，六曰回回，七曰丹元，八曰太渊，九
曰灵童，召之则吉。身中三精，何不呼之？一
曰台光，二曰爽灵，三曰幽精，呼之则庆。
m è n r ǎ ng
五心烦懣，六脉抢攘，四肢失宁，百节告
急，宜诵此经。”

天尊言：“若或有人，五行奇蹇^{ji ǎ n}，九
y à o q i n x ì
曜欽嶷，年逢刑冲，运值克战，孤辰寡宿，
羊刃剑锋，劫煞亡神，鬼门钩绞，禄遭破败，
马落空亡，动用凶危，行藏坎^{lan}壅，即诵此经。
上请：天官解天厄，地官解地厄，水官解水
厄，五帝解五方厄，四圣解四时厄，南辰解
本命厄，北斗解一切厄。”

天尊言：“沉痾^{k ē}伏枕，痼疾压身，积时弗^{ch ō u}瘳，求医罔效，五神无主，四大不收。或是五帝三官之前，泰山五道之前，日月星辰之前，山林草木之前，灵坛古迹之前，城隍社庙之前，里巷井灶之前，寺观塔楼之前，或地府三十六狱，冥官七十二司，有诸冤枉，致此牵缠，或盟诅咒誓之所招，或债^{du ò}垛负偿之所致。三世结^{x ì n}衅，累劫兴仇，埒^{lǐ è}其咎尤，^{sh è}库其执对，皆当首谢，即诵此经。”

天尊言：“天官符，地官符。年月日時，各有官符。方隅向背，各有官符。大则官符，

小则口舌，是有赤口白舌之神以主之，凡诸动作兴举，出入起居，不知避忌。如遇官符口舌，则使人击聒。晓夜煎^{cha ǒ}爨，多招唇吻。面是背非，动致口牙。盟神诅佛，始于谤渎，终于^{g ò u d ĭ}诟诋。由是狱讼生焉，刑宪存焉。若欲脱之，即诵此经，遂得口舌潜消，官符永息。”

天尊言：“土皇九壑，其司千二百神，土侯土伯，土公土母，土子土孙，土家眷属。若太岁，若将军，若鹤神，若太白，若九良，若剑锋，若雌雄，若金神，若火血，若身黄，若撞命，若三煞，若七煞，若黄幡豹尾，若

飞廉刀砧，如是等土家神煞。若人兴修卜筑，一或犯之，即致病患，以迄^{q i}丧亡。才诵此经，则万神皆起，天无忌、地无忌、阴阳无忌，百无禁忌。”

天尊言：“世人夫妇，其于婚合，或犯咸池，或犯天狗，三刑六害，隔角交加，孤阴寡阳，天罗地网，艰于^{s i}嗣息，多是孤独。若欲求男，即诵此经，当有九天监生大神，招神摄风，遂生贤子。于其生产之时，太乙在门，司命在庭。或有冤^{q i ā n}愆，或有鬼魅^{m è i}，或有禁忌，或有凶厄，致令难产。请诵此经，即得九天卫房圣母默与抱送，故能临盆有庆，

坐草无虞。凡有婴孩，在于襁褓，为^{zhantán}梅檀神王座下一十五种鬼，加诸恼害，因多惊痫，宜诵此经。”

天尊言：“若人居止，鸟鼠送妖，蛇虫嫁孽，抛砖掷瓦，惊鸡弄狗，邀求祭祀，以至影胁梦逼，及于奸盗。而敢据其所居，以为巢穴，遂使生人被惑。庭户不清，夜啸于梁，^{kàn}昼瞰其室，牛马犬豕^{shǐ}亦遭瘟疫。祸连骨肉，灾及孳生，淫祠妖社，^{pí}党茆神奸，吊客频仍，丧车叠出。若诵此经，即使鬼精灭爽，人物咸宁。”

天尊言：“九天雷公将军，五方雷公将军，
八方云雷将军，五方蛮雷使者，雷部总兵使
者，莫嫌判官，发号施令，疾如风火。有庙
可伐，有坛可击，有妖可除，有祟^{su i}可遣。季
世末法，多诸巫覡^{x í}，邪法流行。阴肆魘^{y ǎ n}祷。
是故上清乃有天延禁鬼录奸之庭，帝由束妖
考邪之房。能诵此经，其应如响。”

天尊言：天瘟地瘟，二十五瘟。天蛊地
蛊，二十四蛊。天瘵^{zh à i}地瘵，三十六瘵。能诵
此经，即使瘟^{huang}瘵清净，蛊毒消除，劳瘵平复。
亦有其由，或者先亡复连，或者伏尸故气，
或者冢^{zh ǒ ng}讼墓注，或者死魂染惹，或者尸气

感招。凡此鬼神，或悲思，或^{hu ì}恚恨，牵连执証，并缘注射，乘隙伺间，乃得其便。故此经者，上通三天，下彻九泉，可以追荐魂爽，超度祖玄。太上遣素车白马大将军以监之。

天尊言：“若或有人治装远行，^{ch ǚ ng}贼盗骋奸，五兵加害。陆行即虎狼^{xi ā oy ù}魑^{xi ā oy ù}蜮磨其牙，水行则蛟龙^{yu á ntú ó}鼉^{y í}张其颐。或滩^{l à i}濑有幽枉之魂，或风涛有劫数之会。前亡后化，捉生代死。能于此经归命投诚，故得水陆平康，行藏协吉。”

天尊言：“亢阳为虐，雨泽愆^{qi ā n}期，稽^{s ǎ ng}颡^{sh ù}此经，应时甘澍。积阴为厉，雨水浸淫，稽颡^{j ì}此经，应时朗霁。祝融扇祸，飞火民居，赤鼠游城，惊^{ru ò}爇^{r á ng}黎庶，此经可以襁^{r á ng}之。海若失经，鱼鳖妄行，洪水稽天，民生垫溺，此经可以止之。”

天尊言：“世人欲免三灾九横之厄，即于静夜稽首北辰。北辰之上，上有三台，其星并^{ch á n}躔，形如双目，叠为三级，以覆斗魁，是名天阶。若人见之，生前无刑囚之忧，身后不沦没之苦。斗中复有尊帝二星，大如车轮，若人见之，留形住世，长生神仙。归命此经，

投心北极，即有冥感。斗为天枢，中有天罡，在内则为廉贞，在外则为破军。雷城十二门，并随天罡之所指。罡星指丑，其身未，所指者吉，所在者凶，余位皆然。若人见之，寿可千岁。”

天尊言：“世衰道微，人无德行。不忠君王，不孝父母，不敬师长，不友兄弟，不诚夫妇，不义朋友，不畏天地，不惧神明，不礼三光，不重五谷，身三口四，大秤小斗，杀生害命，人百已千，奸私邪淫，妖巫叛逆。从微至著，三官鼓笔，太乙移文，即付五雷^{kān}斩^{kān}勘之司。先斩其神，后勘其形，斩神诛魂，

使之颠倒。人所鄙贱，人所嫌害，人所怨恶，
以至^{k ā n}勘形震尸，使之崩裂。驱其卷水，役其
驱车，月核旬校，复有考掠。一闻此经，其
罪即灭。

若或有人，为雷所^{ch ē n}嗔，其尸不举，水火
不受，即称：九天应元雷声普化天尊，作是
念言，万神稽首，咸听吾命。”

天尊言：“此经功德，不可思议。往昔劫
中，神霄玉清真王长生大帝所曾宣说。至士
授经，皆当^{tuan}劓金置币，盟天以传。雷师皓翁，
长跪拜兴，重禀天尊言：是经在处，当令土
地司命，随所守护，雷部按临，以时稽审。

若人家有此经，至诚安奉，即得祥烟满庭，
庆云荫轩，^{y ī n x u ā n}祸乱不萌，吉福来萃，于其亡
殁，^{m ò}不经地狱。所以者何？死即往生，生归善
道，承天尊力，有此灵通。出入起居，佩带
此经，众人所钦，鬼神所畏。遇诸险难，一
心称名九天应元雷声普化天尊，悉得解
脱。”

于是，雷师皓翁对天尊前，而说偈曰：

无上玉清王，统天三十六。九天普化君，
化形十方界。披发骑麒麟，赤脚蹑层冰，手
把九天烝，啸风鞭雷霆。能以智慧力，摄伏
诸魔精，济度长夜魂，利益于众生。如彼银

河水，千眼千月轮，誓于未来世，永扬天尊教。

时雷师皓翁说是偈已。

天尊言：“此经传世，世人未知。吾今所治九天应元府，府有九天雷门使者，以纠录典者、廉访典者佐之。复有四司：一曰^{lu è}掠剩司，二曰积逮司，三曰幽枉司，四曰报应司，各有^{d à i fu}大夫以掌其事。吾之所理，卿师使相，咸赞元化。”

天尊说是经毕，玉^{f à n}梵七宝层台天花缤纷，琼香缭绕。十方诸天帝君，咸称善哉。天龙

鬼神，雷部官众，三界万灵，皆大欢喜，信
受奉行。

九天应元雷声普化天尊说玉枢宝经竟

an hongzh ā li sa wa la
唵 吽 吒 唎 薩 嚩 囉

完经赞

九天雷祖，一气分真，观游初六及三辛。

随处鉴良因，历劫度人，不顺化微尘。

皈命雷声普化大天尊。

普化宝诰

至心皈命礼，九天应元府，无上玉清王，
化形而满十方，谈道而趺九凤，三十六天之上，
阅宝笈，考琼书，千五百劫之先，位正真，权
大化，手举金光如意，宣说玉枢宝经。不顺化
作微尘，发号疾如风火，以清静心而弘大愿，
以智慧力而伏诸魔，总司五雷，运心三界，群生

父，万灵师，大圣大慈，至皇至道。九天应元
雷声普化天尊

土地神咒

经坛土地，神之最灵，升天达地，出幽入冥，
为吾关奏，不得留停，有功之日，名书上
清。

结经偈

向来诵经功德，上奉高真，下保平安，赐
福消灾，同赖善功，証无上道，一切信礼，
志心称念常清常静天尊 不可思议功德。

